

Saaluallak



Saaluallak (uumasuaraq sullineq) aammik milluaasuvoq

Saaluallak (*Cimex lectularius*) uumasuaraavoq ajoqutaasoq, nunarsuarmi tamani uumasuusooq. Saaluallak 1990-ikut tikillugit nunani avannarlini ajoqutaanikuuvoq, uumasuaqqanillu toqoraatit atorlugit nungusarneqarnikuulluni.

Ajoraluartumilli saaluallak ukiuni makkunani takussaaleqqinnikuuvoq, tamatumunnga pissutaavoq inuit angalanerulernikuunerat aammalu sullinerit taakku uumasuaqqanut toqoraatinut akiuussinnaalernikuunerat.

Saaluallak qanoq isikkoqarpa?

Saaluallaat aappalaartoq kajualaartumik qalipaateqarput ammaloqisaajullutik, saattuupput sananeqaatimik. Saaluallaat inersimasut 5-6 mm tikillugu takissuseqalertarput 3 mm silitsigilertarlutik. Piaraat inersimasutulli iluseqarput minneruinnarlutik. Sullinerit taakku timmisinnaangillat, suloqanginnamik.

Ippernatulli ittumik kaputeqarput, taannalu atorlugu inunniit uumasuniillu aammik milluaasarlutik. Taassuma saniatigut immikkut ittumik tipeqarput.

Saaluallaat uunnuakkut uomasuupput

Saaluallaat unnuakkut pikialasuupput, inunniit uomasuniillu aattortarlutik, taakku sininnerini. Tamatumunnga pissutaavoq sininnermi anersaartornermi kuldioxid pilersinneqartartoq kajungerisaramikku.

Sullinerit taakku 5-10 minutit aammik milluaasarput, qaasillannissamik tungaanut. Saaluallaat aattungikkaangamik saattuarangorsinnaasarput, ikersisimanernilu toqqorsimasinnaasarlutik. Aattoraangamillu oqimaassusertik pingasoriaatinngorsinnaasarlugu.

Saaluallaat akiornissaannut siunnersuutit:

Saaluallaat sumiikkajuttarpat?

Sullinerit taakku ulluklut madrassini, siniffinni quppanilu siniffiusartuni qanittumi toqqorsimasarput.

Saaluallaat qanoq pinaveersaartinneqarsinnaappat?

Angerlarsimaffinni sullerngit piulernerinut pissutaagajuttarpoq angalareernerme nassatani toqqorsimasaramik, soorlu hotel-ini, unnuiffiusartuni illuaqqanilu nunani aallani najugaqarsimagaanni, taamaattumik sullerngit taakku pina-veersaartikkusukkukkit nassatatik (kuffertit taskit) siniffigisartakkannut ILINNGISAANNASSAVATIT.

Saaluallaat pinaveersaartikkusukkaanni, nassatatit tikereernerup kingorna misissornissaat innersuunnarpoq, atisat ataasiakkaarlugit misissukkit. Saaluallaat silaannaq nillartaartoq nuannarinngilaat, naassatatit aneerasaartarfimmiitikkitt ulluni arlalinni, taassumalu kingorna eqqullugit.

Saaluallaat aamma siaruarsinnaasarput/takkussinnaasarput pequtit atornikuni, sinngup puuini atornikuni aammalu pequtini angerlarsimaffimmut eqqunneqartuni.

Saaluallaqarneranut takussutissat

Saaluallaat unnuakkut pikialasuupput. Taamaattumik takuneqarajunngillat. Saaluallaqarneranut takussutissat timimi kapitereernerup kingorna aammalu anillannertut takuneqarsinnaasarput. Saaluallaqarneranut qularnaatsumik takussutissat sullerngit taakku anaat qernertut/kajortut qillaarissut, teqeqquni siniffiullu niuluini naqqanilu takussaasartut.

Saaluallaqarneranut takussutissat pingasut uku mississukkit:

1. Madras-ip akornanni ikeri taartut
2. Tipi immikkuullarissiq tungusunntoq
3. Saaluallaat uumasut taakkulu timaat toqunikut

Saaluallaat ukunani ujarsinnaavatit

Saaluallaat aammik inuussuteqaramik, siniffimmut qanittumiikkajupput, uumasuaqqanik akiuinermik suliffeqarfik, Rentokil-i malillugu ukunani misissuisoqarsinnaavoq:

1. Siniffiit niului saavinilu ikersisimanerni
2. Madras-it akornanni ikersisimanerni
3. Oqorutit puuini
4. Natip sinaani liste-ni
5. Natit akornanni ikersisimanerni
6. Gips aamma tapet-it ikersisimanerini
7. Skuffini ilisivinnilu
8. Atisaasivinni
9. Siniffimmi nerriveeqqani

Saaluallaat kapitinnerit ulorianarsinnaappat?

Saaluallannik kapitereernerup kingorna malunniussinnaasarput kapitereernerup kinguinnguutigut imaluunniit kingusinnerusukkut, kapitinnerit iluaalliutaasinnaaput, saaluallaalli naappaatinik inunntu uumasunullu allanut tuniluunneq ajorput.

Saaluallannik kapitinneq uloriananngilaq, taakku tuniluunneq ajormata, soorlu flåt-imik kapitinnerit taamaassinnaasartut, kapitereerneq malunniuttarpoq ungillerisoornikkut aammalu kapitiffik aappillertarmat. Saaluallaqalersimagaanni angerlarsimaffimmi ajornartorsiutaasartoq annerpaagajuppoq inuup tarninganut sunniutai.

Saaluallaat nammineq nungusarsinnaavakka?

1. Saaluallaat nungusarnissaat anguniarlugu tamakkuninnga suliaqartartunut isumagitinnissaa innersuunnarpoq, nungusarnissaat pisariusinnaammat.
2. Najugarisap inai tamaasa eqqiarluarlugit, saaluallaat ilaanni nungutinneqarsinnaasarput.

3. Støvsuger-i atorlugu saaluallaat amerlanerit ikilisarneqarsinnaasarput, nunguvinneqarsiinnaasaratilli. Eqqaamajuk støvsuger-ip puussiartaa atoreernerup kingorna iginneqassammat, sullerngit taakku siaruaateqqinnginnissaat anguniarlugu.
4. Ukiumi saaluallaat piulersimappata, silap nillerna atorluarneqarsinnaavoq, pequtit, atisat aammalu natsersuit aneersinnerisigut ulloq ataaseq marlulluunniit.